

後漢書集解



朱景王杜馬劉傳堅馬列傳第十二

後漢書卷之九

宋

宣

城

太

守范

晁

撰

唐

章

懷

太

子

賢

撰

王先謙集解

朱祐字仲先南陽宛人也

東觀記曰祐作福避安帝諱集解劉攽曰案注引東觀記安帝諱則此人當名

祐前後皆誤矣先謙曰攽異云范書袁紀祐皆作祐東觀記皆作福避安帝諱祐說文祐字無解云上諱然則祐名當作示旁古

今之古不當作左右之右也案攽異少孤歸外家復陽劉氏復陽

說至晰今刊范書仍作祐以存其真往來春陵世祖與伯升皆親愛之伯升拜大司

徒曰祐為護軍及世祖為大司馬討河北復曰祐為護軍

前書曰護軍都

尉秦官平帝元始元年更名護軍也集解惠棟曰袁宏紀伯升敗祐常獨怨望世祖每短絕之祐自洛陽將之河北劉嘉謂祐曰子

將何之祐曰將之長安劉素奇世祖知祐有舊謂祐曰子與劉公

善胡不北乎嘉有勞苦吏欲託之劉公祐曰若是願與之俱乃給其車馬使賈復陳俊與祐俱北及世祖于柏人常見親幸舍止於中祐侍讌從容曰長安

政亂公有日角之相此天命也

日角解在光武紀

世祖曰召刺姦收護軍

王莽置左右刺姦使督姦猾

祐乃不敢復言從征河北常力戰陷陣

續漢書曰祐至南

為賊所傷上親候視之

曰為偏將軍封安陽侯世祖即位拜為建義大將軍

建武二年更封堵陽侯

堵陽縣名屬南陽郡故城在今唐州方城縣堵音者集解先謙曰注見光武紀

冬

與諸將擊鄧奉於清陽祐軍敗為奉所獲

集解惠棟曰袁宏紀鄧奉董訢兵甚精諸將連

戰不利奉乘勝生執祐也

明年奉破乃肉袒因祐降帝復祐位而厚加慰賜遣

擊新野隨皆平之

隨縣名屬南陽郡故城在今隨州隨縣也集解先謙曰注見光武紀

延岑自敗於

穰遂與秦豐將張成合祐率征虜將軍祭遵與戰於東陽大破之

東陽聚名在南陽集解先謙曰今鄧州南之穰東鎮

臨陣斬成延岑敗走歸豐祐收得印綬

九十七

東觀記曰收得所盜茂陵武帝廟衣印綬

進擊黃郵降之賜祐黃金三十斤四

年率破姦將軍侯進輔威將軍耿植代征南大將軍岑彭圍秦豐

於黎丘破其將張康於蔡陽斬之帝自至黎丘使御史中丞李由



持璽書招豐豐出惡言不肯降車駕引還勅祐方略祐盡力攻之

明年夏城中窮困豐乃將其母妻子九人肉袒降祐輜車傳豐送

洛陽斬之大司馬吳漢劾奏祐廢詔受降違將帥之任

集解王補曰袁紀漢

劾奏朱祐云秦豐狡猾連年固守陛下親踰山川遠至黎上開日月之信而豐悖逆天下所聞當伏誅滅以謝百姓祐不即斬截以示四方而廢詔令聽受豐降無將帥之任大不敬帝不加罪祐還與騎都尉臧宮會擊延

岑餘黨陰鄼筑陽三縣賊悉平之祐為人質直尚儒學將兵率眾

多受降曰克定城邑為本不存首級之功又禁制士卒不得虜掠

百姓軍人樂放縱多曰此怨之九年屯南行唐拒匈奴

行唐今恆州縣也集

解先謙曰注見光武紀

十三年增邑定封鬲侯

鬲縣名屬平原郡集解先謙曰在今濟南府德州北食

邑七千三百戶

東觀記曰祐自陳功薄而國大願受南陽五百戶足矣上不教集解先謙曰官本注教作許是十

五年朝京師上大將軍印綬因留奉朝請祐奏古者人臣受封不

加王爵可改諸王為公帝即施行

集解惠棟曰案陶藻齊職儀祐奏在建武初故十三年丙辰詔

曰長沙王興真定王得河間王邵中山王茂皆襲爵為王不應經義改封侯也章懷注以興等服屬既疏不當襲爵為王失之蘇輿

曰建武十三年施行十又奏宜令三公並去大名曰法經典後遂

從其議集解蘇輿曰建武二十七年三公去大見續志案司空司徒大司馬大司

空並對小為言祐蓋祐初學長安帝往候之祐不時相勞苦而先

升講舍後車駕幸其第帝因笑曰主人得無舍我講乎曰有舊恩

數蒙賞賚東觀記曰上在長安時嘗與祐共買蜜合藥上追念之賜祐白蜜一石問何如在長安時共買蜜乎其親厚如

此二十四年卒子商嗣商卒子演嗣永元十四年坐從兄伯為外

孫陰皇后巫蠱事免為庶人和帝陰后吳房侯陰綱女也為巫蠱事廢永初七年鄧太

后紹封演子冲為鬲侯

景丹集解惠棟曰孫卿云景姓齊景公之後後漢有景丹字孫卿馮翊櫟陽人也少學長安

王莽時舉四科東觀記曰王莽時舉有德行之士丹曰言語為固德侯

相有幹事稱遷朔調連率副貳朔調上谷也副貳屬令也更始立遣使者徇上



谷丹與連率耿況降復為上谷長史王郎起丹與況共謀拒之況

使丹與子弁及寇恂等將兵南歸世祖世祖引見丹等笑曰邯鄲

將帥數言我發漁陽上谷兵吾聊應言然王郎將帥數云欲發二

聊應然之猶今兩軍遙相戲弄也集解顧炎武曰謂邯鄲將帥有此言我亦聊以此言應之不能必二郡之果來也本文自明注乃

謂王郎欲發之謬矣王補曰通鑑無然字多出我亦發之句蓋從袁紀何意二郡良為吾來東觀記

廣阿聞外有大兵自來登城勒兵在西門樓上問何等兵丹等對曰上谷漁陽兵上曰為誰來平對曰為劉公即請丹入人人勞勉

恩意甚備集解通鑑考異曰袁紀作良牧為吾來宜從丹傳惠棟曰東觀記云上勞勉丹出至城外兵所勒馬坐鞍置旃毼毼上設

酒肉先謙曰官本注上谷上曰作言自來二字互倒當作聞大兵來上自登城於文始順勒馬坐鞍置旃毼毼上御覽作下馬坐鞍

旃毼毼上為合方與士大夫共此功名耳拜丹為偏將軍號奉義侯從擊

王郎將兒宏等於南緣兒音五郎兵迎戰漢軍退卻續漢書曰南緣賊迎擊上

營得上鼓車輜重數乘也丹等縱突騎擊大破之追奔十餘里死傷者從橫丹

還世祖謂曰吾聞突騎天下精兵今乃見其戰樂可言邪遂從征

河北世祖卽位曰讖文用平狄將軍孫咸行大司馬眾咸不悅詔

舉可爲大司馬者

東觀記曰載讖文曰孫咸征狄也集解惠棟曰東觀記今以平狄將軍孫咸行大司馬事咸以

武名官以應圖讖

袁宏紀作孫臧羣臣所推唯吳漢及丹帝曰景將軍北州大將

是其人也然吳將軍有建大策之勳

謂發漁陽兵也

又誅苗幽州謝尙書

其功大

苗曾謝躬

舊制驃騎將軍官與大司馬相兼也

前書武帝置大司馬號大將軍

驃騎將軍也

乃曰吳漢爲大司馬而拜丹爲驃騎大將軍

集解惠棟曰續志驃騎大

將軍位在公下

建武二年定封丹櫟陽侯帝謂丹曰今關東故王國雖數

縣不過櫟陽萬戶邑

集解先謙曰言櫟陽殷富勝它縣

夫富貴不歸故鄉如衣繡

夜行故曰封卿耳

前書武帝謂朱買臣之詞集解先謙曰官本注詞作語

丹頓首謝秋與吳

漢建威大將軍耿弇建義大將軍朱祐執金吾賈復偏將軍馮異

強弩將軍陳俊左曹王常騎都尉臧宮等從擊破五校於朐陽

聚名

也解見光武紀

降其眾五萬人會陝賊蘇況攻破弘農生獲郡守丹時病



東觀記曰丹從上至懷病瘡見上在前瘡發寒慄上笑曰聞壯士不病瘡今漢大將軍反病瘡邪使黃門扶起賜醫藥還歸洛陽病瘡鬼不能病巨人故曰壯士不病瘡帝曰其舊將欲令強起領郡

事乃夜召入謂曰賊迫近京師但得將軍威重卧曰鎮之足矣

集解

沈欽韓曰袁宏紀上夜召丹以檄示之曰弘農太守無任為賊所害今聞赤眉從西方來恐蘇況舉郡以應之弘農迫近京師今將

軍雖疾病但卧而鎮之耳丹不敢辭乃力疾拜命將營到郡

續漢書曰將營兵西到弘農也

餘日薨子尙嗣徙封余吾侯

余吾縣名屬上黨故城在今潞州屯留縣西北集解惠棟曰案水經注建

武六年封先謙曰今潞安府屯留縣西

尙卒子苞嗣苞卒子臨嗣無子國絕永初七

年鄧太后紹封苞弟遽為監亭侯

王梁字君嚴漁陽安陽人也

集解洪亮吉曰安陽屬五原然梁傳言太守彭寵以為狐奴令則梁為漁

陽人無疑但縣名誤耳洪頤煊曰當是要陽之譌沈為郡吏太守

彭寵曰梁守狐奴令與蓋延吳漢俱將兵南及世祖於廣阿拜偏

將軍既拔邯鄲賜爵關內侯從平河北拜野王令與河內太守寇



恂南拒洛陽北守天井關朱鮪等不敢出兵世祖曰為梁功及即

位議選大司空而赤伏符曰王梁主衛作玄武玄武北方之神龜蛇合體帝曰

野王衛之所徙史記曰衛元君自濮陽徙於野王玄武水神之名司空水土之官

也於是擢拜梁為大司空封武彊侯集解惠棟曰水經注漳水又東逕武邑縣南又東逕武強

縣北又東逕武隧縣故城南案武邑屬信都武隧屬河間獨武強

無攷水經注又云漳水又東北合張平口故溝上承武彊淵淵之

西南之側有武彊縣故治故淵得名焉東觀漢記云光武拜王梁

為大司空以為侯國也水經又云大河左瀆又東北逕長樂郡武

彊縣故城東注云長樂故信都也晉太康五年改從今名案兩漢

志信都無武彊縣或係鄉亭之名晉時始置縣耳沈欽韓曰今深

州武彊縣南建武二年與大司馬吳漢等俱擊檀鄉有詔軍事一

屬大司馬而梁輒發野王兵帝曰其不奉詔勅令止在所縣而梁

復曰便宜進軍帝曰梁前後違命大怒遣尚書宗廣持節軍中斬

梁廣不忍乃檻車送京師既至赦之月餘曰為中郎將行執金吾

事北守箕關集解惠棟曰東觀記梁為中郎將與景丹祭遵合擊蠻中賊破之詔梁別守天井關水經云河水西合潞

水注云水出垣縣黃屋西山瀑溪夾山東南流故城東瀑關也光武遣梁北守瀑關天井關即是關也 擊赤眉別校

降之三年春轉擊五校追至信都趙國破之悉平諸屯聚冬遣使

者持節拜梁前將軍四年春擊肥城文陽拔之肥城縣名屬太山郡故城在今濟州

平陰縣東南文音汶故城在今兗州泗水縣西集解惠棟曰文陽縣名屬魯郡郡國志作汶先謙曰肥城注見光武紀汶陽今兗州

府甯陽進與驃騎大將軍杜茂擊佼彊蘇茂於楚沛間拔大梁齧

桑前書音義曰齧桑縣名或曰城名史記張儀與齊楚會戰而捕齧桑集解沈欽韓曰胡渭雖指云沛縣西南有齧桑亭

虞將軍馬武偏將軍王霸亦分道並進歲餘悉平之五年從救桃

城集解惠棟曰卽桃鄉也在任城破龐萌等梁戰尤力拜山陽太守鎮撫新附將

兵如故數月徵入代歐陽歙爲河南尹梁穿渠引穀水注洛陽城

下東寫鞏川及渠成而水不流七年有司劾奏之梁慙懼上書乞

骸骨乃下詔曰梁前將兵征伐眾人稱賢故擢典京師建議開渠

爲人興利集解先謙曰人當作民旅力旣愆迄無成功旅眾也愆過也言眾



力已過而百姓怨讟談者謹譁讟謗也雖蒙寬宥猶執謙退君子成

人之美論語載孔子之言也其已梁為濟南太守十三年增邑定封阜成侯

阜成屬渤海今冀州縣集解先謙曰今冀州西北五十里十四年卒官子禹嗣禹卒子堅石嗣

堅石追坐父禹及弟平與楚王英謀反棄市國除

杜茂字諸公南陽冠軍人也初歸光武於河北為中堅將軍集解惠棟

曰漢有中堅士故置將軍以率之見華嶠書及袁宏紀光武紀云衝其中堅馬融云戊己為堅中堅猶中權也常從征伐

世祖即位拜大將軍封樂鄉侯樂鄉屬信都國集解沈欽韓北擊

五校於真定進降廣平建武二年更封苦陘侯與中郎將王梁擊

五校於魏郡清河東郡悉平諸營保降其持節大將三十餘人續漢

書曰降其渠帥大將軍杜猛持節光祿大夫董敦等三郡清靜道路流通集解通鑑作邊路

洛陽至漁陽上谷路出三郡明年遣使持節拜茂為驃騎大將軍

擊沛郡拔芒芒縣名也郡國志曰後名臨睢屬沛國集解時西防

復反集解惠棟曰注見上迎佼彊五年春茂率捕虜將軍馬武進攻西防數

月拔之彊奔董憲東方既平七年詔茂引兵北屯田晉陽廣武曰

備胡寇廣武縣名屬太原郡集解先謙曰在今代州西十五里九年與雁門太守郭涼擊盧

芳將尹由於繁時繁時縣名今代州縣也集解先謙曰注見王霸傳芳將賈覽率胡騎萬

餘救之茂戰軍敗引入樓煩城樓煩縣名屬雁門郡故城在今代州崞縣東北崞音郭集解先謙曰

漢樓煩在今雁門關北時盧芳據高柳與匈奴連兵數寇邊民帝患之十二

年遣謁者段忠將眾郡弛刑配茂鎮守北邊因發邊卒築亭候修

烽火又發委輸金帛繒絮供給軍士并賜邊民冠蓋相望茂亦建

屯田驢車轉運先是雁門人賈丹霍匡解勝等為尹由所略由曰

為將帥與共守平城集解惠棟曰丹等聞芳敗遂共殺由詣郭涼縣名屬雁門

涼上狀皆封為列侯詔送委輸金帛賜茂涼軍吏及平城降民自

是盧芳城邑稍稍來降涼誅其豪右郭氏之屬集解先謙曰鎮撫官本郭作郇



羸弱旬月間雁門且平芳遂亡入匈奴帝擢涼子爲中郎宿衛左

右涼字公文右北平人也身長八尺氣力壯猛雖武將然通經書

多智略尤曉邊事有名北方初幽州牧朱浮辟爲兵曹掾擊彭寵

有功封廣武侯十三年增茂邑更封脩侯

脩縣名屬信都國也集解先謙曰一作條見皇

后紀十五年坐斷兵馬廩縑

斷猶割截也

使軍吏殺人免官削戶邑定封

參遼鄉侯十九年卒子元嗣永平十四年坐與東平王等謀反

集解

劉攽曰案王平顏忠是楚王同時謀反者多連士大夫故杜元坐之傳寫之誤遂作東平王東平何嘗反也

減死一等

國除永初七年鄧太后紹封茂孫奉爲安樂亭侯

馬成字君遷南陽棘陽人也少爲縣吏世祖徇潁川呂成爲安集

掾調守邾令

邾縣名今汝州縣也集解先謙曰注見光武紀

及世祖討河北成卽棄官步

負

集解惠棟曰東觀記云成羸衣步擔渡河謁上

追及於滿陽已成爲期門從征伐世祖

卽位再遷護軍都尉建武四年拜揚武將軍督誅虜將軍劉隆振

威將軍宋登射聲校尉王賞發會稽丹陽九江六安四郡兵擊李

憲時帝幸壽春設壇場祖禮遣之

應劭風俗通曰謹案禮傳共工氏之子曰修好遠游舟車所至

足跡所逮靡不窮覽故祀以爲祖神祖徂也

進圍憲於舒令諸軍各深溝高壘憲數挑

戰成堅壁不出守之歲餘至六年春城中食盡乃攻之遂屠舒斬

李憲追擊其黨與盡平江淮地七年夏封平舒侯

平舒屬代郡集解沈欽韓曰廣

靈縣志縣西四十里平木村南俗呼平水城卽舒之誤

八年從征破隗囂已成爲天水太守

將軍如故冬徵還京師九年代來歙守中郎將率武威將軍劉向

等破河池遂平武都

河池縣一名仇池屬武都郡今鳳州縣也集解先謙曰注見光武紀

明年大司

空李通罷已成行大司空事

集解錢大昕曰光武紀馬成平武都在建武十一年其行大司空事在十

二年與傳異

居府如真數月復拜揚武將軍十四年屯常山中山已備

北邊并領建義大將軍朱祐營又代驃騎大將軍杜茂繕治障塞

自西河至渭橋

西河今勝州富昌縣也渭橋本名橫橋在今咸陽縣東南集解沈欽韓曰隋志勝州改榆林領榆林



富昌金河三縣舊唐志勝州初領榆林河濱連谷銀城四縣後割連谷銀城置麟州通典元和志不言富昌廢於何時一統志富昌

在鄂爾多斯左翼前旗界隋勝州在左翼後旗後漢西河郡治離石故城今汾州府永甯縣治注僅指富昌一縣疏矣河上

至安邑前書曰河上地名故秦內史高帝二年改爲河上郡武帝分爲左馮翊太原至井陘太原今并州也

井陘今屬常山郡中山至鄴皆築保壁起烽燧十里一候在事五

六年帝已成勤勞徵還京師邊人多上書求請者復遣成還屯及

南單于保塞北方無事拜爲中山太守上將軍印綬領屯兵如故

二十四年南擊武谿蠻賊無功武谿水在今辰州盧谿縣西上太守印綬二十

七年定封全椒侯全椒縣名今滁州縣也集解先謙曰今滁州全椒縣治就國三十二年卒

子衛嗣衛卒子香嗣徙封棘陵侯香卒子豐嗣豐卒子玄嗣玄卒

子邑嗣邑卒子醜嗣桓帝時已罪失國延熹二年帝復封成玄孫

昌爲益陽亭侯集解惠棟曰益陽縣之亭也屬長沙郡

劉隆字元伯南陽安眾侯宗室也王莽居攝中隆父禮與安眾侯

崇起兵誅莽事泄隆已年未七歲故得免及壯學於長安更始拜

為騎都尉謁歸

謁請也謂請假歸也

迎妻子置洛陽聞世祖在河內即追及

於射犬

集解惠棟曰袁宏紀隆單身歸王

已為騎都尉與馮異共拒朱鮪李軼等

軼遂殺隆妻子建武二年封亢父侯

亢父縣名屬東平國故城在今兗州任城縣南集解先謙

曰今濟甯州南五十里

四年拜誅虜將軍討李憲憲平遣隆屯田武當

武當今均

州縣也集解先謙曰注見光武紀

十一年守南郡太守歲郡上將軍印綬

集解先謙曰官

本郡作餘是

十三年增邑更封竟陵侯是時天下墾田多不日實又戶

口年紀互有增減十五年詔下州郡檢覈其事而刺史太守多不

平均或優饒豪右侵刻羸弱百姓嗟怨遮道號呼時諸郡各遣使

奏事帝見陳留吏牘上有書視之云潁川弘農可問河南南陽不

可問帝詰吏由趣

集解通鑑胡注由從也問是書之所從來也趣向也問是書之意其所向為何如也惠棟曰晉

語司空季子云我命筮曰尚有晉國筮告我曰利建侯得國之吏務也吉孰大焉章昭云務猶趣也與由趣同蓋當時之語如此



不肯服抵言於長壽街上得之

抵欺也集解惠棟曰風俗通云京師有長壽街萬歲街街者攜也離

也四出之路攜離而別

帝怒時顯宗爲東海公年十二在幄後言曰吏受郡

勅當欲曰墾田相方耳

集解胡三省曰相方求問其墾田之數以相比也

帝曰卽如此何

故言河南南陽不可問對曰河南帝城多近臣南陽帝鄉多近親

田宅踰制不可爲準帝令虎賁將詰問吏吏乃實首服如顯宗對

如是遣謁者考實具知姦狀明年隆坐徵下獄其疇輩十餘人皆

死帝曰隆功臣特免爲庶人明年復封爲扶樂鄉侯

集解惠棟曰淮南國之鄉

也後爲縣屬陳國沈欽韓曰寰宇記在陳州太康縣西北四十里

曰中郎將副伏波將軍馬援擊

交趾蠻夷徵側等隆別於禁谿口破之

交趾郡麓泠縣有金溪穴相傳音訛謂之禁溪則徵

側等所敗處也其地今岑州新昌縣也麓音麤泠音零

獲其帥徵貳徵側之妹斬首千餘級降者

二萬餘人還更封大國爲長平侯

長平縣屬汝南郡集解先謙曰在今陳州府西華縣東北十八

里及大司馬吳漢薨隆爲驃騎將軍行大司馬事隆奉法自守視